

Ripigliu...

Quandi a terra move
Sott'a la sciappittana
Di Corsica luntana
Mi vogliu avvicinà

Sentu chì l'aria trema
Ch'ellu mughja lu mare
Avà si chì mi pare
Stu ventu girerà

Issa terra hè la nostra
Nisùn ci pò pretende
Ormai ùn hè à vende
Ùn vale à pattighjà

Ci sò nati l'Antichi
Dapoi la Filitosa
La vulemu fà sposa
Quella so libertà

Sona lu vechju cornu
Sopr'à lu mondu novu
Per mettelu à u provu
L'amore di quallà

E imbrusche sò in lu saccu
Chì la mio manu ùn tremi
Ghjunti à li punti stremi
A scelta si farà

Simu l'eredi ghjusti
Di Corsica straziata
Corsica marturiata
Ti vulemu aiutà

Ripigliu...